

## لمسة إيد

بلمس إيديك.. وقلبي يدوب..

يدوب قلبي.. من اللمسه

واشوف ف عينيك

هنا نظره.. بتحضني

ما بين الهمسه.. والهمسه

تقول عني.. يانور يسري

أرد عليك .. وأقول إنك.. حبيب عمري

وتحلف كل صوابنا على الأوراق

بان عيوننا... وقلوبنا..

تدوب أشواق

وإن حروف أسامينا

ف أول صفحة للعشاق

هنا حرفي يشوف حرفك ويتبسّم

الاقلي كل ما تكتب حروف عني

تقول عيني : ( أكيد بحلم )

هنا ابتسمت وشافت عيني أنوارها

هنا ضمت حنين قلبي

ف لحظة... لَمَّا صاحبتهَا

بعينها ليَا بصت لي

هنا شافت دموع عيني..

ف أول بُعد كان بينا

وأول ضحكة من قلبي..

ف أول لحظة تجمعنا

ودعوة قلبي... من جوه

وينقش لنا أسامينا

تكون دايمًا...

ف أول صفحة للعشاق